



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **10-295-21/20**

Sarajevo, 11.5.2020. godine

Int. br. nabavke: **10-281-22/20**

Na osnovu člana 69. stav (3) i člana 70. stavovi (1),(4) i (6) Zakona o javnim nabavkama BiH (Službeni glasnik BiH, broj: 39/14), i člana 47. Statuta Agencije za vodno područje rijeke Save, Sarajevo, donosim

O D L U K U

o poništenju postupka javne nabavke usluga: "Hidrografsko snimanje korita rijeke Save u Federaciji BiH", Otvoreni postupak Obavještenje o nabavci br .: 1132-1-2-23-3-26/20

Član 1.

Poništava se postupak javne nabavke usluga: **"Hidrografsko snimanje korita rijeke Save u Federaciji BiH"**, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Za izvršenje ove odluke zadužuje se **Sektor za upravljanje vodama** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Član 4.

Ova odluka stupa na snagu danom donošenja.

Obrazloženje

Na osnovu osnovu Zaključka Vlade Federacije Bosne i Hercegovine o proglašenju stanja nesreće zbog pojave globalne pandemije korona virusa (COVID – 19) u Federaciji Bosne i Hercegovine sa 214. sjednice od 16.3.2020.g. i Zaključka u vezi sa načinom rada u Vladi Federacije Bosne i Hercegovine, federalnim organima uprave, federalnim upravnim organizacijama i stručnim službama Vlade Federacije Bosne i Hercegovine u cilju sprječavanja širenja bolesti izazvane koronavirusom (COVID – 19), V.Broj 447/2020, Upravni odbor „Agencije za vodno područje rijeke Save“ Sarajevo na 50. sjednici održanoj 6.5.2020.godine, donio je Program mjera i aktivnosti za ublažavanje posljedica izazvanih virusom COVID – 19.

U okviru tog programa mjera, a u skladu sa članom 69. stav (3) Zakona o javnim nabavkama neophodno je otkazati neke postupke javnih nabavki zbog smanjenog priliva u budžet ugovornog organa izazvanog vanjskim faktorima koji su dokazivi, izvan kontrole ugovornog organa i nisu se mogli predvidjeti u vrijeme pokretanja javne nabavke.

Zbog smanjenja prihoda u 2020. godini „Agencija za vodno područje rijeke Save“ Sarajevo će raspoloživa finansijska sredstva usmjeriti na neophodne radove, aktivnosti i projekte na zaštitnim vodnim objektima u vlasništvu Federacije Bosne i Hercegovine i radove i aktivnosti na preventivnoj zaštiti od poplava na vodotocima I kategorije.

Izmjenama i dopunama Plana i Finansijskog plana „Agencije za vodno područje rijeke Save“ Sarajevo za 2020. godinu izvršiti određene uštede. Finansijska sredstva od ušteda će se usmjeriti i koristiti u skladu sa odlukama Vlade Federacije Bosne i Hercegovine i Zakonom o ublažavanju negativnih ekonomskih posljedica (Korona zakon).

Na osnovu navedenog, a zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 2.000,00 KM (član 108. stav (1) tačka c) Zakona o javnim nabavkama BiH).

Dostaviti:

- Sektor za ekonomske, pravne i opšte poslove
- Sektor za upravljanje vodama
- a/a


DIREKTOR
Sejad Delić, dipl.inž.